

أسهل طريقة للتحصين من التنصير | شرح كتاب إظهار الحق 3

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الاسلامية على اليوتيوب. وفيديو جديد لشرح كتاب اظهار الحق للعلامة محمد رحمة الله الكيراناوي الهندي. هذه المحاضرات خاصة بطلاب اكاديمية رسوخ التابعة لمركز العروة الوثقى للعلوم الشرعية - 00:00:00

بفضل الله عز وجل انتهينا من مقدمة الناشر ومقدمة المحقق وهنبدأ باذن الله عز وجل نقرأ في تمهيد المؤلف. وطبعاً احنا اتفقنا ان النزام اللي هنمسي عليه هو انك هتقرا الكتاب بالكامل والاجزاء المهمة من وجهة نظرى التي تحتاج الى تعليق وشرح حكون معلم عليها باللون الاصفر - 00:00:25

اصفر وھعلق عليها واشرحها. وبالتالي حابب اقول ان تمهيد المؤلف ما يعتبرش جزء مهم جداً من الكتاب. لكنه بالنسبة لي اشبھ يعني التار البايت اللي ما بين العلامة رحمة الله الهندي والمنصر فاندر. وكأن الشیخ رحمة الله الهندي كان عايز يعلق على بعض الامور - 00:00:45

اللي قالها القسیس بندر فحب ان هو يعلق عليها وييرد عليها في هذا التمهيد قبل ان يدخل في صلب موضوع الكتاب. ولكن مع ذلك اکید التمهيد في حاجات مهمة تستحق التعليق والشرح. وحابب اؤکد ان الملف اللي انا بقرأ منه اللي بیحتوي فقط على الصفحات اللي فيها العلامات الصفراء اللي انا - 00:01:05

ھعلق عليها واشرحها هتلاقوا لينك تحميل الملف موجود تحت في وصف الفيديو. هنا الشیخ بیتكلم عن سیدنا محمد صلی الله علیه وسلم وعلاقته بسیدنا ابراهیم علیه السلام. وتعليقی هنا مش على کلام الشیخ لكن على کلام المحقق. طبعاً المحقق عامل شغل كبير جداً جداً في تحقيق الكتاب. من ضمن اللي هو بیعمله - 00:01:25

ان ما فيش شخص او علم مذکور في الكتاب الا ويبحاول يسرد عنه معلومات. بیعرف به يعني تعريف الاعلام. بیتكلم عن سیدنا ابراهیم وبيقول هو رسول الله وخليله. ابراهیم ابن تاریخ ابن ناحور. بالرغم ان المحقق نفسه قال في المقدمة بتاعتھ ان - 00:01:45 مفروض ان احنا ما نحطش الكتاب المقدس على قدم المساواة مع القرآن الكريم الا ان العلماء اللي بیقولوا ان سیدنا ابراهیم ابوه اسمه تاریخ ده تأثرا بالكتاب المقدس قولوا واحداً. لأن الكتاب المقدس هو اللي بيقول ان ابراهیم ابوه اسمه تاریخ عن - 00:02:05 عندنا في القرآن الكريم الله عز وجل يقول في سورة الانعام الآية رقم اربعة وسبعين. واذ قال ابراهیم لابيه ازر. اتتخذ اصناماً لله اني اراك وقومك في ضلال مبين. ظاهر الآية القرآنية الكريمة ان ابو ابراهیم اسم ازار - 00:02:25

واذ قال ابراهیم لابيه ازره. اتتخذ اصناماً لله؟ اني اراك وقومك في ضلال مبين. لو فتحنا المكتبة الاسلامية الشاملة على الجزء الخاص بالقرآن الكريم. وجئنا هنا لابيه. واذ قال ابراهیم لابيه ازر. وفتحنا هنا - 00:02:45

موسوعة التفسير المأثور. هنا في قول الله عز وجل واذ قال ابراهیم لابيه ازر. هتلاقی بقى اقوال كثيرة لكن هنا مثلاً ان عبدالله بن عباس رضي الله عنهما من طريق عكرمة مولى ابن عباس قال ازروا الصنم وابو ابراهیم اسمه يازر وكذا. طيب - 00:03:05 لو قلبت كمان في باقي الاقوال هتلاقی اسم الصنم. هنا قال ازر لم يكن بابيه ولكن اسم الصنم. وبعدين هنا عن الضحايا قال ازروا ابو ابراهیم. قال قتادة ابو ابراهیم اسمه تاریخ. وعن اسماعیل الصدیق قال اسم - 00:03:25

ويقال لا بل اسمه تاریخ واسم الصنم. اتتخذ ازر اصناماً لله؟ يعني في تقديم وتأخير في الآية عن اسماعیل السدی قال اسم ابیه ازر عن سليمان التیمی قال لك ان كلمة ازر دی هي كلمة - 00:03:45

اخت سيدنا ابراهيم كانها يعني انها اشد كلمة قالها ابراهيم لابيه كلمة يعني قوية. هنا برضو وزير ابو ابراهيم وهو تارح يعني بيقول لك هو ازر وهو تارح. وقال لك ده لقب لابي ابراهيم. برضو هنا على الامام مكتوب ازر لقب - 00:04:05

والد ابراهيم مش اسمه تارح. طب انت جبت منين ان اسمه تارح؟ من الكتاب المقدس. اللي انا عايز اقوله ان في جانب ما كانش هيبقى فيه خلاف حول تفسير هذه الآية. ان ظاهرها ان ابو ابراهيم اسم - 00:04:25

ازار لولا ان في نص في الكتاب المقدس بيقول ان ابراهيم ابوه اسمه تارح مش ازر. واحنا بصراحة ما نقدرش نلوم الصحابة الاولئ المسلمين الاولئ لأن اهل الكتاب بالنسبة لهم كانوا حاجة كبيرة اوكي وكانوا اهل العلم وكانوا اللي ربنا انزل عليهم التوراة والانجيل - 00:04:45

قيل وكانوا يعرفوا حاجات العرب بشكل عام ما يعرفوش عنها اي حاجة. فكان فيه حالة انهيار وخلي بالك اهل الكتاب قالوا ان ابوه متارح الله! يبقى القرآن بيقول لابيه ازر! طب ما يمكن ازر ده اسم الصنم! فيبقى اتتخذ ازر اصناما لله! فيبقى - 00:05:05

الاظهر ده اسم كبير الاصنام بس ليه اللغة؟ طب مش يمكن ازار ده لقب ابو ابراهيم برضه ليه؟ ما هو واضح ان اذ قال ابراهيم لابيه ازر اتتخذ اصناما لله؟ وفي النهاية يجب انه ما يكونش في قلبا حرج ان القرآن الكريم - 00:05:25

في الكتاب المقدس القرآن الكريم هو اللي صح والكتاب المقدس غلط الكتاب المقدس ما لوش مصداقية وموسوعية. وخلي بالك الموضوع ده متكرر كثيرا مش بس في الاسماء. وفي الاحاديث وفي الاخبار - 00:05:45

وفي حاجات كثيرة جدا جدا متعلقة بالأنبياء والرسل. الكتاب المقدس في ناحية والقرآن الكريم في ناحية. ودي من اكبر الادلة ان القرآن الكريم غير متاثر بالثقافة والعلم اللي كان موجود في بيته. ودي من ادلة وحي القرآن الكريم. لو كان القرآن - 00:05:59

كتاب بشري زي ما فيه ناس بتحاول تزوج انه نتاج الثقافة والعلم اللي كان موجود وقتها. الكلام ده منطبق تماما على الكتاب المقدس لكنه لا ينطبق ابدا على القرآن الكريم. والا كنت هتللاقي ان القرآن الكريم ليه يخالف الكتاب المقدس في بعض الموضع - 00:06:19

دي كانت ممكن تخلي بعض المسلمين يشعروا بحرج لأن في قلبهم شيء من التعظيم لأهل الكتاب وكتبهم. لكن طبعا احنا حاليا الابحاث وبسبب الدراسات وبسبب اكتشاف المخطوطات القديمة وعرفنا كتير جدا عن تاريخ انتقال نص الكتاب المقدس سواء العهد القديم - 00:06:39

واليهود او العهد الجديد كتب النصارى خلاص ما بقاش فيه البريق الخاص بكتب اهل الكتاب. عرفنا اللي فيها خلاص. وفيه رواية عن عبدالله بن عباس رضي الله عنهما بيلوم فيها الصحابة انت ليه بتسأله اهل الكتاب وانت عندهم القرآن الكريم احدث الاخبار - 00:06:59

باري بالله لم يصب. وان الله عز وجل اخبركم ان هو انهم حرفوا كتبهم وبدلوا وغيروا وهكذا. فليه انت واخدينهم مصدر وفوق للمعرفة. ده مفاد لوم عبدالله بن عباس. والرواية دي موجودة في صحيح البخاري. هنا بيتكلم عن دعاء سيدنا ابراهيم لأن - 00:07:19

ان هو بيقول ان سيدنا محمد صلى الله عليه وسلم هو نتيجة دعاء سيدنا ابراهيم. او استجابة للدعاء وهكذا. فيبيقول وكان من دعائهم حين كما في سورة البقرة الآية رقم مية تسعه وعشرين. ربنا وابعث فيهم رسولا منهم يتلو عليهم آياتك ويعلمهم الكتاب والحكمة ويزكيهم انك انت - 00:07:39

العزيز الحكيم. هنا بيقول لك وفي سفر التكوين قول الله لابراهيم واما اسماعيل فقد سمعت لك فيه ها انا اباركه واثمره واسره كثيرا جدا اثنى عشر رئيسا يلد واجعله امة كبيرة. هل هو ده الدعاء اللي مقصود؟ ربنا وابعث فيهم رسولا منهم برضو في نص - 00:07:59

مهم في انجيل لوقا بيسموا النص ده او المقطع ده صلاة زكريا. زكريا ابو سيدنا يحيى وامتنا زكريا ابوه من الروح القدس تبدأ قائلا مبارك رب الله اسرائيل لانه افتقد وصنع فداء لشعبه. واقام لنا قرن خلاص في بيت داود فتاه. كم - 00:08:19 ما تكلم بضم انبائاته القديسين الذين هم منذ الدهر خلاص من اعدائنا ومن ايدي جميع مبغضينا ليصنع رحمة مع ابائنا ويدرك عهده

المقدس. موضوع العهد ده موضوع اتكلمت عنه كتير جدا جدا. القسم الذي حلف لابراهيم ابينا - 00:08:39
ان يعطينا اننا بلا خوف منقذين من ايدي اعدائنا نعبده بقداسة وبر قدامه جميع ايام حياتنا. الكلام ده لما تيجي تدور عليه في العهد
القديم لن تجد ان يعطينا اننا بلا خوف منقذين من ايدي اعدائنا نعبده بقداسة وبر قدامه جميع ايام حياتنا - 00:08:59
المقابل لها في القرآن الكريم. واذا قال ابراهيم ربى اجعل هذا البلد امنا وجنوبني وبني ان نعبد الاصنام. الامن بجانب العبادة. اللي انا
عايز اقوله في النهاية ان غالبا هذا الدعاء اللي دايما بيقال دعوة ابراهيم ونبوءة موسى - 00:09:19
داود وبشارة عيسى عن سيدنا محمد صلى الله عليه وسلم. دعوة ابراهيم عليه السلام دي غالبا مش موجودة في الكتاب المقدس.
وما فيش غير هذا النص واما اسماعيل فقد سمعت لك فيها انا اباركه واثمره واكثره كثيرا جدا اتنى عشر رئيسا يلد واجعله امة كبيرة.
تعليق بعد كده برضه على تحقيق - 00:09:39

المحقق بيتكلم ويبيقول الذي كان بارعا واعلى كعبا من العلماء المسيحيين وكاتب هامش رقم ثلاثة. وبعدين بيقول لم يكن اتباع
المسيح عليه السلام يقال لهم مسيحيون. بل هم انصار وحواريون وتلاميذ مسلمون. طبعا من ناحية قرآنية حاجة - 00:09:59
ومن ناحية تاريخية نصرانية حاجة تانية. ان احنا عندنا في القرآن الكريم ان الحواريين قالوا نحن انصار الله امنا بالله وشهادتنا
مسلمون. طب هل متقال في الكتاب المقدس او في العهد الجديد عند النصارى ان هم مسلمين؟ لأ فدي ناحية. طيب برضو فكر - 00:10:19

كرة الحواريين اهل الكتاب عندهم في العهد الجديد ما عندهم حاجة اسمها حواريين. عندهم تلاميذ ورسل المسيح. فدي نقطة
تانية. طيب فكرة هم انصار حتى دي مش موجودة عندهم في العهد الجديد. لأن العهد الجديد بيقول ان لما اليهود - 00:10:39
وتبلغوا الرومان علشان يروحوا يقبحوا على المسيح. وينكلوا به تركه الجميع وهربيوا. ده نص في الكتاب المقدس. تركه الجميع
وهرب طب يبقى ما نصرهوش ولا حاجة. ده بحسب ظاهر الكتاب المقدس. يبقى دي كلها من خلفية اسلامية. طب هل هم برضه كان
بيقال عنهم مسيحيين - 00:10:59

لأ في بداية الامر لأ كان بيقال عنهم نصارى او ناصريين ودي نقطة اغلب المسيحيين دلوقتي مبيحبواش يعني بسبب نوع من
انواع الحقد والكراهة تجاه الاسلام العظيم والقرآن الكريم والثقافة الاسلامية بشكل عام تجد ان المسيحي يقول لك - 00:11:19
انا مش نصراني انا مسيحي وهو غير مدرك ان علماء النصارى بيقولوا ان اتباع المسيح كان اسمهم نصارى نسبة ليسوع الناصري.
طبعا معروف ان المسيح عليه السلام في الاسلام العظيم اسمه المسيح عيسى ابن مريم - 00:11:39
نصرى بيقولوا عنه المسيح واحنا كمان. والنصارى بيقولوا عنه ابن مريم. واحنا كمان. لكن فيه خلاف حول اسم عيسى. هم بيقولوا
يسوع. انا عملت طبعا فيديوهين عن موضوع اسم يسوع ده. شرحته بالتفصيل. علماء النصارى بيقبلوا ان اسمه عيسى واسمه -
00:11:59

وان ده جاء نتيجة اختلاف اللغات واللهجات. لكن احيانا بنجد ان في بعض المتعصبين برضه يقول لك احنا ما نعرفش حد اسمه
عيسى. اسمه وده طبعا جهل اقل ما يقال. المفروض ان حسب الكتاب المقدس المسيح جاء من مدينة اسمها الناصرة. وهو - 00:12:19

قوة كان بيقال عنه في العهد الجديد في الانجيل انه يسوع الناصري. اي من مدينة الناصرة وكان بيقال ايضا في اعمال الرسل عن
بولس وهنتكلم عنه اكيد بالتفصيل فيما بعد وانا عامل عنه فيديوهات كثيرة بل قائمة فيديوهات. بولس اتقال عنه في اعماله -
00:12:39

الرسل انه امام شيعة النصارى او امام شيعة الناصريين. فهم بيختلفوا في الترجمة. المفروض بالعربي تبقى ولا ناصريين؟ المهم ان
هم بيقولوا ان اتباع المسيح يقال عنهم نصارى او ناصريين نسبة - 00:12:59
ليسوع الناصري اللي كان من مدينة الناصرة. طب امته اتقال عنهم مسيحيين؟ اتقال عنهم مسيحيين في مدينة انطاكيا ايضا بحسب
كفر اعمال الرسل كنوع من التفرقه. دلوقتي المسيح عليه السلام بعث لبني اسرائيل. اليهود اليهود اللي اتبعوه اتقال - 00:13:19

عنهم في الاول نصاري او نصريين. وبعدين اليهود فضلوا زي ما هم. اللي اتبعوا المسيح امنوا ان هو مسيح فاتقال عنهم مسيحيين في مقابل اليهود اللي رفضوا الاقرار بان يسوع هو المسيح. وبالتالي - [00:13:39](#)

احنا عندنا يسوع المسيح الناصري. اتباعه في الاصل كان اسمهم نصاري وفيما بعد اتقال عنهم المسيحيين انهم بؤمنوا ان يسوع هو المسيح. حاول احط لينكات شرح للكلام اللي انا بقوله ده على قد ما اقدر تحت في وصف الفيديو. وانت مهمتك لو انت طالب علم - [00:13:59](#)

حقيقي وما كنتش شفت الفيديوهات دي شفها. خلاص المحاضرة وقسم وقتكم بقى. ببقى ده واجب عليك. جمع بقى المحاضرات او على الاقل ده اهمها حاول انت يعني ترتيب الموضوع بالطريقة الانسب لك. المهم ان الحاجات اللي انا بحطها في الوصف دي ما تطنهاش. على الاقل ما لا - [00:14:19](#)

كله لا يترك كله. هنا بيقول لك وكان مجمع نيقية المنعقد سنة تلميمية خمسة وعشرين اول من اطلق هذا الاسم. الكلام ده غلط الكلام ده غلط اسم مسيحيين تم اطلاقه على اتباع المسيح من القرن الاول الميلادي. وخلی بالك يعني مهم جدا ان لما نيجي نتكلم - [00:14:39](#)

مع ان المسيحية نقول كلام عليه دليل وعليه برهان وعليه مرجع معتبر ايا كان المعلومة دي اكيد المحقق من مرجع معين نقلها من كتاب قراها في حته. لكن انا لما اجيبي نص من العهد الجديد في اعمال الرسل انه اطلق عليهم لاؤل - [00:15:01](#) اول مرة كلمة مسيحيين فان تقي اولا ببقى ده نص من العهد الجديد. العهد الجديد ده بيرجع للقرن الاول الميلادي. بيحكي عن احداث القرن الاول ميلادي ببقى اكيد ده مرجع اوثق واضح. انا باقول الكلام ده مهم ليه؟ انت ما دام على غير دين الشخص اللي انت بتتكلم عن دي - [00:15:21](#)

يعني احنا دلوقتي بنتكلم عن المسيحية واحنا مسلمين. في اصلا حرج طبيعي من ان مسيحي يسمع عن من شخص على غير دينه. وايضا في كثير من المسلمين بيجدوا هذا الحرج. ان ايها؟ انت ما لك انت ومال المسيحية؟ المسيحيين يتكلموا عن دينهم. انت مالك انت - [00:15:41](#)

فيبيقى لابد ان تضبط المعلومات جيدا علشان في النهاية يحصل ثقة للمستمع. يقول لك اه فعلنا ده بيتكلم بدلليل بيتكلم بمرجع الدنيا مزيوطة معه. اقبل ان انا اسمع منه عن هذا الدين رغم انه لا يعتنقه. لأن في النهاية - [00:16:01](#)

ایة الحق حق بغض النظر عن اتباعي له ولا لأ؟ يعني ايها؟ يعني انا اقبل ان غير المسلم يتكلم عن الاسلام بس بس يتكلم بحق ومؤخرا كان في احد الاخوة عرض علي فيديو بعنوان من الذي كتب القرآن بـ بالانجليزي يعني - [00:16:21](#)

انا وجدت ان الفيديو بيعرض المعلومات بشكل محايد جدا بمعنى انه لما بيعرض التصور الاسلامي بيقول لك هذا هو التصور الاسلامي التقليدي وبيبقى عرضه صح وحتى لما بيخالف بيقول ده تصور مخالف للتصور الاسلامي التقليدي ده تصور العلماء - [00:16:41](#) العلمانيين المتشككين الذين لا يقبلون تصور الوحي اصلا. فيبقى وبالتالي ماشي انت خلاص وضحت ان ده التصور الاسلامي وان ده بيخالف التصور الاسلامي. قل اللي انت عايزة تقوله. فالمهם ان انت قادر تعرض عن الدين اللي انت بنتكلم عنه - [00:17:01](#)

بحق وبدليل وان انت فاهم صح. حابب بس اخر تعليق عن النقطة دي. احيانا كثيرة الشخص اللي بيجي يدرس دين اخر مش دينه بتحس ان هو غريب. وزي ما بيقال في المثل الغريب اعمى ولو كان بصير. فهو اشبهه - [00:17:21](#)

انك بتروح بلد تانية اول مرة تروحها. فبتاخذ وقت على بال ما تتعرف عليها وتتعرف على شوارعها وتقاليدها وكذا وكذا. وقتها تقدر تتكلم عنها كوييس هي نفس الفكرة بتاخذ وقت على بال ما تتعرف على المراجع المسيحية والمصادر والتراجم والتاريخ والنظام والتقاليد والدنيا ماشية ازاى تقدر بقى بعد - [00:17:41](#)

كده تتكلم بثقة والناس تستمع لك بثقة. طيب هنا بيقول واستدعيت ثانيا من القسيس وكاتب في الهاشم القسيس رئيس النصارى في العلم والمفتى في الدين والمقيم للصلوات. وهو الان في مرتبة بين الاسقف والشمامس. هو هنا بيرجع للسان العرب - [00:18:01](#) القاموس المحيط والمعجم الوسيط ومقدمة ابن خلدون ودائرة وجدي ما اعرفش مين دائرة وجدي ده. كل المراجع دي غير معترفة

ايه؟ ممكن يكون كلمة قسيس ده لها اصل لغوي. لكن فيه فرق ما بين المعنى اللغوي والمعنى الاصطلاحي. وبالتالي بغض - 00:18:21
النظر عن المعنى اللغوي لكلمة قسيس. القسيس او القسيسية رتبة كهنوتية. وعملنا فيديو اتكلمنا فيه عن سر الكهنوت والرتب الكهنوتية. وساضع اللينك تحت في وصف الفيديو. انا مش مهم بالنسبة لي آآ ان انا افتح الكتاب المسيحي دلوقتي واقرأ قسيس -

00:18:41

معناه ايه ؟ لكن المعنى ده هو بالفعل يقيم الصلوات وبيفقي في الدين. لكنه ليس رئيس النصارى في علم يعني هنا بيحسسك انه القسيس رتبة عالية جدا جدا. رغم ان احنا لما بنشوف الرتب الكهنوتية زي - 00:19:01
يبيقول هنا اول حاجة الشمامس اقل شيء الشمامس هو هنا قال لك المرتبة ما بين الاسقف الشمامس برضو انت ممكن يعني تحاول يعني تخمم من طب الاسقف اعلى من القسيس ولا اقل ؟ يعني الترتيب بيقى الاسقف رقم واحد. القسيس رقم اتنين. الشمامس رقم ثلاثة فيبقى واحد اعلى من ثلاثة - 00:19:21

ولا العكس هو مش مبين لكن الواقع ان اقل حاجة الشمامس. بعد كده بيترقى بيقى قسيس. والقسيس اقل رتبة في هذه الدرجة. يعني احنا عندنا درجة الشمامسية ودرجة القسيسية ودرجة الاسقفية. فيه درجات كهنوتية غير - 00:19:41
رسمية للرتبة الشمامسية. لكن اعلى حاجة في الرتبة الشمامسية دي هو الشمامس. يبقى فيه رتب غير رسمية لغاية ما يبقى الشمامس. بعد ما يبقى الشمامس ممكن يبقى رئيس شمامسة مش عارف مين ايا كان. بعد كده بيبقى قس او قسيس. قس او قس - 00:20:01
طيز دي اقل رتبة في الدرجة القسيسية. بيترقى بعد كده لغاية ما يبقى قمص. رئيس قساوسة. بعد كده ابقى اسقف واسقف اقل درجة في الرتبة الاسقفية. بعد اسقف يعني رئيس كنيسة بيقى تحتيه قمامصة رؤساء - 00:20:21

وتحتية قساوسة وتحتية شمامسة. يبقى كل كنيسة كاتدرائية كنيسة مبني كنسي كبير يبقى واسقف الاسقف ده مسؤول عن القمامصة اللي تحتيم وتحت القمامصة قسيسين وتحت القسيسين شمامسة. في بقى - 00:20:41

اللي اعلم من الاسقف اللي هو المطران. المطران ده رئيس مجموعة من الكنائس. وبعدين فيه بقى مطارنة بدرجة اعلى بيبقى حاجة كده عاملين زي يعني رؤساء مجلس ادارة الكنائس كلها او يعني لغاية ما نوصل بقى لاحاجة اسمها المجلس الملي ده - 00:21:01
على الاقل بالنسبة للكنيسة القبطية الارثوذكسيه زي حاجة كده زي المجلس الاعلى من الاساقفة. اللي من ضمنهم بيبقى البابا او البطريرك اللي هو رئيس طايفة. والبابا او البطريرك ده بيكون رئيس الكنيسة او الطايفة اللي هو الهيئة الكاملة اللي تحتيتها كل الكنائس التابعة - 00:21:21

معلوم. طبعا فيه فرق كبير ما بين الشمامس والقسيس. وفيه فرق كبير ما بين القسيس والقمص. وفيه فرق كبير ما بين القمص والاسقف. وفيه فرق كبير ما بين الاسقف والمطران والبابا او اللي هم المجلس الملي. والمجلس الملي والبابا. يعني فرق الرتب الكهنوتية درجات - 00:21:41

جدا في النهاية لغويًا عند النصارى قسيس معناه معلم. هو بيعلم الناس وبيفتيهم في دينهم وبيقيم الصلوات لمن القسيس ما بيقيمش كل الصلوات. هو بيمارس بعض الاسرار. لكن غالبا اقامة الصلوات ما بيعملهاش القسيس بيعملها الاسقف - 00:22:01
كайн القسيس يساعدك يعني في بعض التفاصيل. المهم انا بقول ان التعريف ده مش دقيق ومش من مرجع مسيحي. وبالتالي اي مسيحي هيطلع على التعريف ده هيحس ده مش تعريف يعني دقيق. هنا بيقول فتقررت المنازرة في المسائل الخمس التي هي امهات المسائل - 00:22:21

اللي المتنازعة بين المسيحيين والمسلمين التحريف والنحو والتثليل وحقيقة القرآن ونبأة محمد صلى الله عليه وسلم. الترتيب ده زي ما قلت هو افضل ترتيب واحسن ترتيب. اول حاجة التحريف. خلاص اثبتنا انه محرف في بقى موضوع النحو ان تم استبدال استبداله - 00:22:43

بآخر. وبعدين موضوع التثليل اولا قبل الوهية المسيح والتجسد وقبل الصلب والفتاء. وزي ما قلت قبل كده احقيقة القرآن ونبأة سيدنا محمد تبادلين. ولو انا هتكلم اولا عن نبوة سيدنا محمد صلى الله عليه وسلم. وفرعي له وحي القرآن الكريم ومصاديقه

كده الشيخ رحمة الله الهندي بدأ يوضح اهم المراجع اللي بيرجع لها. وبدأ في الاول يذكر نسخ الكتب المقدسة اللي كان بيرجع لها فقال لك مسلا ترجمة الكتب الخمسة لموسى عليه السلام باللسان العربي. الكتب الخمسة اللي هي كتب التوراة البتاتوك التكوين -

00:23:23

والخروج واللاويين والعدد والتسمية. دول خمس اصفار الایمان المسيحي التقليدي بيقولوا ان الخمس اصفار هم التوراة. فده مش كل كتب اليهود المقدسة. ده بس اسفار موسى الخمسة اللي هم المفروض التوراة. وهنا مسلا ترجمة كتب - 00:23:43
والعهد العتيق والجديد كلها باللسان العربي. وفيه هنا ترجمة العهد الجديد باللسان العربي وهو كاتب التواريخ والمعلومات. انا باقول اختصارا النسخ دي الان ليست لا قيمة. قيمتها قليلة جدا جدا عند الغالبية العظمى من الدارسين. وان مهما كان فيه - 00:24:03
اختلاف ما بين هذه النسخ الا ان في الغالب كل النسخ دي مصدرها واحد. والاختلافات اللي ما بينهم يسيرة جدا جدا. سواء احنا بنتكلم عن نص العهد القديم او نص العهد الجديد. كل الطبعات اللي بيتكلم عنها دي كلها طابعات ونسخ اقدم من ترجمة الفان دايك - 00:24:23

وترجمة الفاندريك تعتبر اشهر نسخة عربية للكتاب المقدس في العالم الان. لكنه ايضا بيمثل الحق اقبل قديمة دي قبل بقى اكتشاف المخطوطات الحديثة وعمل النسخ النقدية الدراسية والنسخ القياسية نقد الكتابي والعلوم الكتابية وهكذا. انا كنت اعتقد ان كان هيبيقى افيid بكثير جدا. ان المحقق - 00:24:42

يراجع كل النصوص اللي اقتبسها الشيخ على ترجمة الفان دايك لانها اشهر نسخة عربية ويرجع لبعض الترجمات الاخري الحديثة النقدية زي الترجمة العربية المشتركة وترجمة الاباء اليسوعيين والترجمات الاخري. ويبيين الاتفاق والاختلاف - 00:25:12
يعني لو نص الشيخ بيتفق مع الفاندريك او بيتفق مع نسخة اخرى وهذا يكفي. انا بعتقد ان بما انا وصلنا لمرحلة ان احنا عندنا نسخ قدية قياسية بتشير الى المخطوطات القديمة اللي هي تعتبر مصادر النص الترجمات دي ما بقاش لها لازمة - 00:25:32
واعقيا وحقيقة. الترجمات دي ما هي الا محاولة لتوصيل الكتاب المقدس بشكل ما وبصورة ما للرجل للعادل فانا بقرأ ترجمة الفان دايك ليه؟ عشان انا مش قادر بنفسي. ارجع للنسخ النقدية والنسخ القياسية واشوف النص فيها بيقول ايه - 00:25:52
انا ليه بقرأ اليسوعية ولا العربية المشتركة كل دي اشكال معينة للكتاب المقدس وتصورات معينة للكتاب المقدس لان احنا طين المشاكل الموجودة في نص الكتاب المقدس وبالتالي ايا كان الشكل اللي اقتبسه الشيخ. انا باقدر اعرف الشكل ده هو اللي موجود في انهي مخطوطات. وايه رأي علماء - 00:26:12

اقضي فيما يخص هذا الشكل هل هو ده الشكل الاصل ولا اللي مش اصح وهكذا؟ طبعا انا حاولت على قد ما اقدر ان انا اشوف النسخ اللي ذكرها الشيخ شوف هل النسخ دي موجودة عندي بالفعل ولا ؟ وجدت احيانا ان عندي واحيانا مش عندي واحيانا عندي اقدم منها واحيانا عندي متاخر عنها. لكن - 00:26:36

في النهاية زي ما قلت اهم حاجة لازم اعملها لما اراجع نص من نصوص الكتاب المقدس سواء من العهد القديم كتب اليهود او العهد الجديد كتب النصارى ان انا ارجع للنسخة القياسية النقدية بالنسبة لكتب اليهود اللي هي البي اتش اس. نسخة - 00:26:56
النقدية قياسية للعهد القديم العربي. بالنسبة للعهد الجديد بارجع لليوبى اسا ونسخة ناس تلندا وايا كان. نسخة نقدية قياسية للعهد الجديد يوناني بيتدى اشوف النص اللي هم حاطينه في المتن والاختلافات اللي موجودة في الهامش وادرس النص. واحاول اوصل لتصور ايه هو - 00:27:18

اقدم واضح شكل للنص. وبعدين اشوف عشان افهم بقى واترجم النص. اشوف الترجمات اللي اعتمدت على هذا الشكل للنص وترجمته ازاي؟ فيبيقى فيه مساحتين اساسيتين فيما يخص نص الكتاب مساحة تحديد النص - 00:27:38
قص نفسه ومساحة ترجمة النص ومعناه. لازم احدد الاول هو النص بيقول ايه وبعد كده شف هو يتفهم ازاي ويترجموا ازاي؟ في النهاية على زمن الشيخ كان صعب جدا انه لو وجد اكتر من شكل للنص في - 00:27:58

النسخ اللي ما بين ايديه انه يقرر انھي شكل منهم هو الاقدم والاصح الا لو كان ده منصوص عليه في الكتاب نفسه. يعني علاه حنا كان عندهنا ترجمات قديمة وترجمات عربية وعملت حلقات اانا والاخ عبد الرحمن الشرقاوى ربنا يحفظه ويبارك فيه. ترجمات عربية قديمة -

00:28:18

بتشير الى انها النصوص اللي ما بين معكوفين مربعين اضافات لاحقة غير موجودة في اقدم المخطوطات. تعلیقات هامشية زي كده
فمن خلال هذه التعليقات اعرف لكن ما كانش موجود عند الشیخ وقتھا نسخة زي الیو بي اس بتاعة العهد الجديد او الیي اتش اس
بتاعة العهد القديم - 00:28:38

بتابعة العهد القديم - 00:28:38

اللي تقول لي تحديداً الشكل ده موجود في انهي مخطوطة والمخطوطة دي بترجع لسنة كام ؟ فانا باقصد يعني ان الموضوع تطور كثيراً جداً بعد زمن الشيخ طيب دي الصورة انا كنت عاملها علشان اشرح النسخ المختلفة للكتاب المقدسخصوصاً النسخ العربية.

00:28:58 - فکرت

ومقارنة المخطوطات والناحية الثانية اليمينية نسخ تقليدية. كويں؟ فيه بق انواع مختلفة من طريقة - 00:29:18

بغض النظر انانا هاخد من نص مبني على المخطوطات القديمة ولا هاخد نص مبني على نص تقليدي. يعني ايه نص تقليدي؟ يعني هو ده النص اللي احنا تعارفنا عليه وقلناه وانتشر ما بينا لكته ليس ادق - 00:29:38

هو ده النص اللي احنا تعارفنا عليه وقبلناه وانتشر ما بینا لكنه ليس ادق - 38:29:00

ال المقدس - 00:29:58

المقدس - 00:29:58

اسمي النقد النصي بقى يعملوا ترجمات نقدية. طيب وطريقة الترجمة؟ قال لك والله فيه ترجمات حرفية او شبه حرفية يعني حاول تترجم بحفلة النص الله هـ بتت حمه وفهـ تـ حمات تفسـ يـ بـ معنـ انـها مـكـ تـ عـدـ صـاغـةـ 00:30:18

تلتزم بحرافية النص الى هي بتترجمه. وفيه ترجمات تفسيرية بمعنى أنها ممكن تعيد صياغة - 00:30:18

نص بشكل مختلف عن الشكل الحرفي للنص اللي انا بترجمه لكن الهدف من ده هو اني اوصل صل المعنى بشكل واضح واضح. لو التزمت الحرفية ممكن النص ما يكونش واضح او ايه هو معناه. فعندك مسلا ترجمة الفاندائيك دي - 00:30:38

استرمت الحرفيه ممکن النص ما یکوس و واضح اوی یکوس و واضح اوی ایه هو معناه. یعنید مسما لترجمه الهايدا یک دی - ۰۰:۳۰:۳۵

ترجمة حرفية شووية. في ترجمات تانية تفسيرية. في ترجمات انا حاطتها في النص لأنها ساعات بتوافق النص النقدي وساعات بتوافق النص التقليدي. هنا بقى عندك ترجمة الآباء اليسوعيين والترجمة العربية المشتركة والترجمة البوليسية والترجمة الكاثوليكية والترجمة - 00:30:58

والترجمة - 00:30:58

العربيات المبسطة كل دي ترجمات سواه هي اقرب للحرافية او اقرب للتفسيرية هي مبنية على نسخ نقدية. ففي النهاية فيما يخص النصوص اللي الشيف بيقتبسها. لوانا وجدت ان النص مختلف كثيرا عن اللي انا اعرفه. في ترجمة الفانديك او كذا او اي ترجمة اخرى

عام الشيخ يقول ان هو هيرجع لمراجع بروتستانتيه. من ضمن - 00:31:38

اللي هو ذاكرهم تفسير ادم كلارك. وتفسير ادم كلارك ده تفسير مشهور جدا جدا جدا. التفاسير الباقيه دي انا مش قادر اتعرف عليها
الحقيقة لكن برضو عندي تعليق لأن التفاسير المشهورة على ايامه واللي هي ممكن تعتبر افضل التفاسير وشهر التفاسير واضح -

00:32:00

تفاصيله بقى عندنا غيرها دلوقتي. يعني نادراً ما لما يرجع حد لتفسير ادم كارك رغم ان ادم كلارك مشهور جداً. لكنه تفسير قديم لازم ندرك ان لما بترجع للتفاسير القديمة اللي غالباً بتكون معتمدة على شكل النص مش الاقدم والاصح لكنه - 00:32:20

وبالتالي احنا حاليا بنقدر نرجع لمراجع اقوى من كده بكتير جدا. ومراجع بقى اللي هي مش بتفسر نص الفاندایك او ترجمة -

00:32:40

لأ بترجع زي ما قلت للنص القياسي بتاع العهد الجديد اليوناني والنص النقدي القياسي بتاع العهد القديم العربي ولو في اختلافات ما بين المخطوطات بتتناقشها ودنيا اكتر بكتير جدا من اللي كان متوفّر في هذه الترجمات القديمة. ده موقع لبرنامج -

00:33:00

يعتبر يعني المكتبة الاسلامية الشاملة بتاعت المسلمين دي بقى البرنامج اللي من الاخر لدراسة الكتاب المقدس. البرنامج اسمه لوجوس كان قبل كده كان اسمه ليبرونيكس كان فيه برنامج تاني اسمه بايبل وركس وطبعا فيه برنامج اسمه ايسورد انا كنت عامل فيديو عن برنامج الايسورد والاسورد لسة موجود لغاية دلوقتني -

00:33:20

وتقدير تحمله مجانا لكن الاستورد يعتبر ضعيف جدا بالنسبة للوغوس ولبرونيكس اللي همهم الدراسة العميقه والتفسير اللغويات والكلام ده كله. فدي صفحة من برنامج اللوجوس المفروض ان هو حاجة زي المكتبة الاسلامية الشاملة. فهو برنامج بيتحط فيه مراجع. والمفروض -

00:33:40

المفروض ان انت بتشتري بقى نسخة من البرنامج على حسب الدرجة ممكن تبقى مبتدئ فتشتري اهم المراجع الرئيسية ممكن تبقى باحث فتشتري موسوعات يعني الدنيا ممكن توصل لالاف الدولارات فهنا هو حاطط نسخ للكتاب المقدس ممكن تحملها وتبقى موجودة في البرنامج وبالتالي بمنتھي البساطة -

00:34:00

تكتب ان انت عاوز تدرس النص الفلاني يجيب لك قائمة كبيرة جدا من الترجمات تقارن ما بينها. اللي انا كنت عايز ابعض عليه هنا افضل التفسيرات للكتاب المقدس. هو طبعا فيه موسوعات او زي ما تقول كده التفسير ضخم وعبارة عن مجموعة كبيرة جدا من -

00:34:24

لكل سفر تقريبا مجلد. ففي مثلا الموسوعة دي اللي هي فدي موسوعة معروفة جدا ومشهورة اختصارها دبليو بي سي. ودي مجموعة من الاسفار من اول سفر التكوين لغاية اخر الكتاب المقدس. في مثلا -

00:34:44

كومنتري ان اي جي تي سي برضو موسوعة وفيه مثلا برضو موسوعة. المهم اما في النهاية ان المراجع اللي احنا نقدر نرجع لها دلوقتني اكيد اقوى بكتير واوثق بكتير من المراجع اللي كان يقدر الشيخ -

00:35:04

ترجع لها. وحابب اقول باختصار ان في انواع مختلفة من المراجع. فيه مراجع نوعا ما تاريخية تراثية بمعنى ان هي مش متعلقة بالنقد ومش متعلقة بالدراسة التاريخية لكنها متعلقة اباء الكنيسة الاولى لما جم يفسروا النص ده فسروه ازاي سواء تفسيرهم صح او غلط -

00:35:24

كبار الاخبار اليهود لما جم يفسروا النص ده فسروه ازاي؟ فده تقدر تقول نوع من التفسير او المراجع وبعددين بقى فيه مراجع تاريخية ونقدية ودراسية. بغض النظر عن الاباء والرهبان والاخبار قالوا ايه لما جم يفسروا -

00:35:44

كتر والنص التفسير الصحيح للنص بناء على علم التفسير واللغة والسياق وحوارات كثيرة جدا. ايه هو التفسير الصحيح فعلا للنص بناء بقى على اصول علم التفسير. فاحيانا بنتحتاج نرجع لنوع الاول من المراجع المراجع التراثية دي -

00:36:04

علشان نقيم الحجة نقول له هو ده الفهم التقليدي الديني اليماني للنص. وبنرجع للمصادر الثانية التاريخية الدراسية علشان نحاول نعرف بقى هو التفصيل ده فعلا صحيح ولا لا. احيانا بيبقى مفيد. انك تطابق الاتنين ببعض. ان التفسير -

00:36:24

التراثي يتطابق التفسير الصحيح. واحيانا بيبقى مفيد العكس. ان التفسير التراثي مخالف للتفسير الصحيح. على حسب انت بتتكلم في ايه وعايز تثبت ايه؟ على سبيل المثال لو افترضنا ان التفسير التراثي متعلق باسطورة بمعنى ان انت عاوز تقول -

00:36:44

ادي اباء الكنيسة كانوا بيمونوا بأساطير وخرافات بناء على نص الكتاب. نص الكتاب فيه اساطير وخرافات. طب هل بالفعل النص معناه كده ولا الاماء فهموه غلط بغض النظر حجة على المسيحي اصلا ان الاباء فهموا النص بهذا الشكل. سواء فهموا صح او غلط. هم اصحاب -

00:37:04

المفروض لكن لو فهموهم فعلاً صح والنص فعلاً فيه مشكلة يبقى دي اقامة الحجة اكتر واكتر. طب لو على سبيل المثال المسيحي يحاول ينصر عقيدته من خلال نص كتابي. وبيدعني ان النص الكتابي ده معناه كذا. عقیدتي المسيحية. فتبتدئي انت تبرهن من -

00:37:24

ان الادلة الدراسية التاريخية النقدية ان لا النص ما يتفهمش كده. يبقى انت هدمت ايمانك. هنا الشيخ قعد كتير جداً يتكلم بقى في النقطة القطة دي نقطة ان ممكن حد يقرأ كلامي يحس ان انا بستهزأ بهم او اسيء اليهم او ان انا بتكلم بطريقة وحشة حاجة -

00:37:44

زي كذا. وقعد بقى يشرح ويسمهم في الموضوع. فهنا بيقول ان صدر عن قلمي في موضع من الموضع لفظ يوهن بسوء الادب. بالنسبة الى كتاب من المسلمة عنده او الى نبي من الانبياء عليهم السلام. فلا يحمل الناظر على سوء اعتقادى بالنسبة الى الكتب الالهية والانبياء عليهم السلام -

00:38:04

لان اساءة الادب الى كتاب من كتب الله او الى نبي من الانبياء عليهم السلام من اقبح المحظورات عندي. هو عاوز يقول اختصاراً. وطبعاً الاخ حاول يوضح الموضوع على قد ما يقدر في الهاشم. لازم نفرق لما نيجي ندرس كتب اهل الكتاب والمعلومات اللي فيها نفرق ما بين -

00:38:24

التوراة والانجيل والزبور اللي ربنا انزلهم على سيدنا موسى وداود وعيسى عليهم افضل الصلاة والسلام وما بين الكتب اللي ما بين ايدينا دلوقتي كتبهم المقدسة اللي هم بينسبوها لسيدنا موسى وداود وعيسى وغيره. طبعاً النصارى مش بينسبوا كتب لسيدنا المسيح عيسى -

00:38:44

مريم وما بيؤمنوش بانجيل نزل على المسيح عيسى ابن مريم وهنتكلم عن الموضوع ده بالتفصيل فيما بعد. لكن المقصود بالنسبة للعهد القديم اصفار الخامسة بینسبوها لسيدنا موسى وبيدعوا ان هو ده التوراة. تاريخياً ونقدياً ودراسياً الكلام ده غلط. فيبقى لما اتكلم عن كتبهم وان -

00:39:04

خدھا وابین مواطن بطلانها. ما حدش يقول لي ايه ده انت بتسيئ للتوراة! لأن طب اسفار منسوبة للانبياء. تيجي تقول لي ايه ده انت بتسيئ للانبياء باسفارهم لأن فرق الواقع ان احنا بنصف كل كتب اهل الكتاب اللي هم بيضمونهم ما بين دفاتي الكتاب المقدس -

00:39:24

بس. العهد القديم كتب اليهود والعهد الجديد كتب النصارى ان هي يا اما محررة او مؤلفة. لكن الاشتراك ما بين الاثنين ايه؟ ان هي كتابات صناعة بشرية. كان له عبارة كنت بكررها كثير جداً الكتاب المقدس كتاب بشري. من بدايته -

00:39:44

والى نهايته. يعني البشر هم اللي حددوا كل حاجة في الكتاب. البشر هم اللي لهم السلطان الاعلى على كل حاجة في الكتاب من اول تكوينه لغاية تحديد اسفاره. لغاية بقى شرحه وتفسيره وهكذا. فاحنا بنقول بالنسبة مثلاً على سبيل المثال اصفار -

00:40:04

خمسة. الاسفار دي قطعاً ولا شك لم يكتبها سيدنا موسى عليه السلام. كتبت بعده بعشرات السنين باعتراف علماء النصارى واليهود. وهذه الاسفار فيها الدليل على انها ليست مكتوبة بوحى من الله عز وجل. وده باعتراف اهل الكتاب يعني انا عامل ملزم بعنوان -

00:40:24

الكتاب المقدس كتاب غريب ومحير. والعنوان ده متاخد من اقتباس لاحد البابا الكاثوليك اسمه البابا ستي芬 شاريانته من كتاب له اسمه تعرف الى الكتاب المقدس وبيقول ان الكتاب المقدس كتاب غريب ومحير لأن فيه كذا وكذا وكذا وكذا. الفكرة كلها ان المسلم ممكن يستغرب الكلام ده -

00:40:44

كله ليه؟ لأن ده مش موجود عنده في القرآن الكريم. لكن لازم يفهم ان بالفعل فيه فرق كبير جداً جداً ما بين القرآن الكريم وما بين كتب اليهود والنصارى هنا بيtalk عن محتوى الكتاب وبيقول ثبت ان بعض مضامين هذه الكتب يجب على كل مسلم ان ينكره اشد -

00:41:04

الانكار وثبت ان الغلط والاختلاف والتناقض والتحريف واقعة فيها جزما فاني معذور في ان اقول ان هذه الكتب ليست كتابا الـهـيـة وان بعض القصص يعني ما حدش يعتبر ده اساءة مني للكتب السماوية وللانبياء لأن في فرق كبير انا بعتقد ان ممكن زمان الواحد ممكن يكون - 00:41:24

عنه شك في مدى درجة التحريف اللي حصلت في الكتب السماوية السابقة. وان بعض الناس يقولوا لأن الكتب دي ما اتحرفت نصا دي اتحرفت بالمعنى وحاجات زي كده. انا بقول جزما ويقينا ان الكتب السماوية السابقة دي اتحرفت بكل طريقة ممكنة من التحرير. سواء هم الفوا - 00:41:44

نسبوا هذا الكلام للـهـ عـزـ وـجـلـ. او ان الكلام حصل فيه حـذـفـ وـاضـافـةـ وـتـبـدـيلـ وـتـغـيـرـ. هنا هو بيـتـديـ يـذـكـرـ بعضـ القـصـصـ المـنـسـوـبـةـ الانـبـيـاءـ الليـ فيهاـ اـسـاءـةـ لـلـأـنـبـيـاءـ. الطـرـيقـةـ ديـ هيـ اـبـسـطـ طـرـيقـةـ لـتـحـصـينـ المـسـلـمـ منـ التـنـصـيرـ. اـبـسـطـ وـاسـهـلـ طـرـيقـةـ - 00:42:04 على الاطلاق مجرد ان انت تفتح الكتاب المقدس وتقرأ بعض ما فيه وتعرضه على المسلم بحسب خلفيته الاسلامية وتقول له الكلام ده ينفع يكون موجود في كتاب منسوب للـهـ عـزـ وـجـلـ مـوـحـىـ بهـ منـ اللـهـ هـيـقـولـ لـكـ قـطـعاـ وـلـاـ شـكـ لـأـ ماـ يـنـفـعـشـ - 00:42:24 النـصـوصـ ديـ اـنـاـ جـامـعـهاـ زيـ ماـ قـلـتـ فـيـ المـلـزـمـةـ الليـ عنـوانـهاـ الكـتـابـ المـقـدـسـ كـتـابـ غـرـيبـ وـمـحـيـرـ. وـلـوـ اـنـتـ هـتـخـدـلـ هـذـاـ المـجـالـ لـازـمـ قـطـعاـ وـلـاـ شـكـ تـطـلـعـ عـلـىـ هـذـهـ المـلـزـمـةـ عـلـىـ - 00:42:42

الاقل ان ما كنتش هتقرا الكتاب المقدس كلـهـ. يعني اـنـاـ شـخـصـيـاـ قـرـيـتـهـ كـلـهـ. قـرـبـتـ العـهـدـ الجـدـيدـ اـكـثـرـ منـ مـرـةـ قـرـيـتـ العـهـدـ القـدـيمـ عـلـىـ الـاـقـلـ مـرـةـ بشـكـ كـاـمـلـ اـجـزـاءـ مـنـهـ اـكـثـرـ مـنـ مـرـةـ عـلـىـ حـسـبـ اـهـمـيـتـهـ يـعـنـيـ وـهـكـذاـ. وـالـمـسـلـمـ مـمـكـنـ يـسـتـغـرـبـ اـنـ فـيـهـ نـاسـ كـتـيرـ دـخـلـوـاـ الاسلامـ لـاـ - 00:42:52

الـشـيـءـ الاـ اـنـهـ اـطـلـعـوـاـ عـلـىـ بـعـضـ اـجـزـاءـ الـكـتـابـ المـقـدـسـ عـمـرـهـمـ ماـ كـانـواـ اـطـلـعـوـاـ عـلـيـهـ قـبـلـ كـدـهـ. وـبـفـطـرـتـهـمـ اـدـرـكـواـ اـنـ لـاـ دـهـ لـاـ مـمـكـنـ يـكـونـ كـلـامـ رـبـنـاـ. اوـ انـ هـمـ حـسـوـاـ بـالـحـرـجـ اـنـ الـكـلـامـ دـهـ يـقـرـأـ عـلـىـ نـاسـ مـشـ مـنـ دـيـنـهـ. اـنـهـ يـتـقـالـ - 00:43:12 المسيـحـيـ اـمـسـكـ الـكـتـابـ المـقـدـسـ وـقـفـ ماـ بـيـنـ عـوـامـ الـمـسـلـمـيـنـ وـاقـرـأـ مـنـ هـذـاـ الـكـتـابـ. طـبـعـاـ الـكـلـامـ دـهـ بـيـقـىـ بـالـنـسـبـةـ لـلـمـسـلـمـ صـادـمـ لـاـنـ المـسـلـمـ مـتـعـودـ اـنـ يـقـرـأـ الـقـرـآنـ الـكـرـيـمـ كـاـمـلـاـ جـهـرـاـ عـلـىـ الـاـقـلـ مـرـةـ فـيـ السـنـةـ فـيـ شـهـرـ رـمـضـانـ. وـالـقـرـآنـ بـيـقـىـ شـغـالـ فـيـ - 00:43:32 آـفـيـ الـمـنـابـرـ وـالـاذـانـ وـكـلـ النـاسـ بـتـسـمـعـ الـقـرـآنـ. بلـ انـ الـقـرـآنـ غالـباـ شـغـالـ فـيـ اـغـلـبـ بـيـوـتـ الـمـسـلـمـيـنـ وـفـيـ اـغـلـبـ مـحلـاتـهـمـ ماـ فـيـشـ مـشـ جـزـءـ مـنـ الـقـرـآنـ الـمـسـلـمـ مـمـكـنـ يـسـمـعـهـ وـيـحـسـ مـنـهـ بـحـرـجـ. لـكـنـ دـهـ بـيـحـصـلـ كـثـيـرـاـ جـداـ بـالـنـسـبـةـ لـلـكـتـابـ المـقـدـسـ وـمـقـاطـعـ كـثـيـرـةـ فـيـ الـكـتـابـ المـقـدـسـ - 00:43:52

سواء قصص النصارى نفسهم بـيـوـصـفـوـهـاـ بـاـنـهـ قـصـصـ غـيرـ اـخـلـاقـيـةـ. يعنيـ القـصـةـ نـفـسـهـاـ بـتـحـكـيـ عنـ حـاجـةـ مـشـ لـطـيفـةـ. حاجـةـ كـدـهـ لـماـ تـقـرـاهـاـ تـحـسـ اـنـ مـحـرـجـ وـمـكـسـوفـ وـمـشـ مـرـتـاحـ. بـسـبـبـ التـفـاصـيلـ الليـ اـنـتـ بـتـقـرـاهـاـ وـبـسـبـبـ طـبـيـعـةـ الـقـصـةـ. وـالـاوـصـافـ الليـ فيهاـ وـهـكـذاـ - 00:44:12

اوـ انهـ قـوـلاـ وـاحـدـاـ دـهـ كـلـامـ الليـ زيـ ماـ بـنـقـولـواـ كـدـهـ كـلـامـ قـبـيـحـ. كـلـامـ المـفـروـضـ ماـ يـتـقـرـيـشـ بـشـكـ عـامـ كـلـامـ خـادـشـ لـلـحـيـاءـ. عـلـشـانـ كـدـهـ اـنـاـ دـايـماـ بـقـولـ ياـ جـمـاعـةـ المـوـضـوعـ سـهـلـ جـداـ جـداـ اـنـ تـعـرـفـ تـفـرـقـ ماـ بـيـنـ دـيـنـ اللـهـ الـحـقـ الـاسـلـامـ الـعـظـيمـ وـالـقـرـآنـ الـكـرـيـمـ - 00:44:32 واـيـ حاجـةـ تـانـيـةـ اـذـاـ كانـ اـهـمـ بـضـاعـةـ الـيـهـودـ وـالـنـصـارـىـ هوـ الـكـتـابـ المـقـدـسـ بـمـجـرـدـ قـرـاءـتـهـ تـدـرـكـ قـطـعاـ وـلـاـ شـكـ لـاـ يـمـكـنـ اـنـ الـكـلـامـ دـهـ يـكـونـ مـنـسـوـبـ لـلـهـ عـزـ وـجـلـ اوـ يـكـونـ مـوـحـىـ بـهـ مـنـ اللـهـ. لاـ يـمـكـنـ قـضـيـ الـاـمـرـ. الـقـرـآنـ الـكـرـيـمـ مـهـمـاـ كـانـ حـاـوـلـهـ لـبعـضـ الشـبـهـاتـ الاـ انـ - 00:44:52 وـكـتـابـ لـهـ هـيـبـةـ وـمـشـ كـتـابـ عـادـيـ. الـاـنـسـانـ بـيـشـعـرـ بـدـهـ قـطـعاـ وـلـاـ شـكـ. وـبـاـقـلـ درـجـةـ مـنـ التـدـبـرـ وـالـتـأـمـلـ فـيـ الـقـرـآنـ الـكـرـيـمـ بـتـحـسـ قـلـتـ لـاـ دـهـ كـتـابـ لـهـ قـيـمـةـ اـيـمـانـيـةـ قـوـيـةـ جـداـ. سـيـحـانـ رـبـيـ اـنـاـ دـايـماـ بـاـقـولـ ياـ جـمـاعـةـ اـمـسـكـ الـمـصـحـفـ وـابـدـأـ بـسـوـرـةـ الـفـاتـحةـ - 00:45:12

تـأـمـلـ فـيـهـ وـتـدـبـرـ وـاـمـسـكـ بـدـاـيـةـ اـنـجـيلـ مـتـىـ الـلـيـ هوـ بـدـاـيـةـ الـعـهـدـ الجـدـيدـ اوـ سـفـرـ التـكـوـينـ بـدـاـيـةـ الـعـهـدـ القـدـيمـ وـقارـنـ مـاـ بـيـنـ الـاتـنـيـنـ وـكـملـ قـرـاءـةـ فـيـ سـوـرـةـ الـبـقـرـةـ وـكـملـ قـرـاءـةـ فـيـ اـنـجـيلـ مـتـىـ وـكـمـ الـقـرـاءـةـ فـيـ سـفـرـ التـكـوـينـ. هـتـلـاـقـيـ اـنـ سـفـرـ التـكـوـينـ اـنـجـيلـ مـتـىـ الـكـتـابـ - 00:45:32

مـقـدـسـ لـهـ طـبـيـعـةـ كـدـهـ تـحـسـ اـنـ اـقـرـبـ لـكـتـبـ التـارـيخـ وـالـسـرـدـ وـالـحـكـاـيـاتـ. وـالـقـصـصـ وـهـكـذاـ. لـكـنـ الـقـرـآنـ الـكـرـيـمـ تـجـدـ فـيـهـ هـذـاـ دـهـ طـابـ

الدينى الایمانى. تقدر تميز ما بينهم بمنتهى السهولة. على كل حال هنا هو بيقول قصة من القصص. ان له - 00:45:52
شرب الخمر وزنا بابتئيه وحملتا بالزنا منه. وجاب لك هذه القصة مذكورة فين؟ طبعاً بناته هم اللي شربوه خمر وهم اللي وقعوا في المشكلة دي والعياز بالله. وان داود عليه السلام زنا بامرأة اورية وحملت بالزنا منه. واشار الى - 00:46:12

ده امير العسكري لان يدبر امراً يقتل به. زوج هذه المرأة اللي هو زنا بها. فاھلكه بالحيلة وتصرف في زوجته. كل القصص دي انا ذاكرها في ملزمة الكتاب المقدس كتاب غريب ومحير. وان هارون صنع عجلاً وبنى له مذبحاً فعبد - 00:46:32

له هارون مع بنى اسرائيل وسجدوا له وذبحوا الذبائح امامه. وذاكر لك القصة دي فين؟ وان سليمان ارتد في اخر العمر الاصنام وبنى المعابد لها. ذاكر لك برضه في الهاشم القصص دي كلها موجودة فين؟ اقرهاها ومش بس اقرهاها. قارنها باللي موجود عندك في 00:46:52 -

القرآن الكريم والاسلام العظيم خلي بالك ابرز شبهة على الاطلاق بتتناقل عن القرآن الكريم هي ان القرآن الكريم اقتبس من كتب اليهود والنصارى. القرآن الكريم العلماء في الغالب بيفقسموه تلات - 00:47:12

اقسام قصص وشريعة وعقيدة. العلماء اللي بيرفضوا الوحي بغض النظر ان المسلمين عندهم الاadle اهين ازاي نقدر ثبت ان القرآن الكريم محابين من الله وعندتهم الاadle والبراهين ازاي نقدر ثبت صدق نبوة سيدنا محمد صلى الله عليه وسلم. اللي بيرفضوا الوحي بيكقول - 00:47:27

ايه؟ بيكقولوا ان القرآن الكريم لازم يكون نتاج البيئة اللي كان فيها النبي محمد صلى الله عليه وسلم. ما ينفعش يخرج عنها لانه نتاج بشري. فيبقى اي معلومة ذكرها النبي محمد صلى الله عليه وسلم في القرآن الكريم. لازم يكون لها اصل - 00:47:47

في التراث والتاريخ اللي كان موجود قبل منه او على ايامه. كوييس قوي. من ضمن ادلة وحي القرآن الكريم انه امور زي كده عن الانبياء والرسل كانت مستقرة عند اهل الكتاب ما فيهاش كلام. العقيدة الاسلامية جت وقالت الكلام ده كله غلط. ونزعهت الانبياء والرسل - 00:48:07

تقول عن الكلام ده كله. يبقى ازاي تقول لي ده نتاج نفس البيئة؟ اذا كان اليهود راضيين به والنصارى راضيين به وانت جيت تخالف تتبع فين القرآن الكريم خالف اليهود والنصارى وكان مصمم قوي على هذا الخلاف دليل واضح جداً ان - 00:48:27
المفروض اهم مؤثرات علمية في زمن النبي محمد صلى الله عليه وسلم اليهود والنصارى ما اثروش عليه. طب يبقى هو جاب المعلومات دي منين؟ اذا كان هو ده اللي قر في التراث اللي كان قبليه او على ايامه. وحي من عند الله عز وجل. ما فيش سبب تاني. لان في النهاية هو ايه مصلحته - 00:48:47

تمن المخالفة غير تقرير الحق فعلاً. فيبقى لازم الموضع دي اللي الاسلام العظيم بيخالف فيها بشكل واضح تاخد بعين المقارنة علشان تقدر ت Shawf قد ايه الاسلام عظيم. بعد كده الشیخ رحمة الله الهندي بيتكلم بقى عن فكرة الاساءة - 00:49:07
وبتاع فقعد يذكر ان النصارى ما بينهم وبين بعض بيسئوا البعض كثير وجاب اقتباسات كثيرة ما تهميش في جوهرها. وبعدين في الآخر قال لك ده المسيح نفسه منسوب له في الانجيل انه كان بيقول كلام صعب وقوي وقد يصل الى درجة الاساءة والشتائم. فجاب لك - 00:49:27

حتى شکي بعضهم بانك تشتمنا. يعني قالوا للمسيح انت كده بتتشتمنا. والمحقق هنا جاب النص انظر توبیخ المسيح للكتب والفرنسيين في كذا وفي انجلوکا كذا وفي انجيل لوقا كذا. فاجاب واحد من الناموسين وقال له يا معلم حين تقول هذا تشتمنا نحن - 00:49:47

ايضاً. اللي انا عايز اعلق عليه هنا ان من اهم الوسائل التنصيرية ان هم بيعاولوا يقارنو ما بين النبي محمد صلى الله عليه وسلم والمسيح عيسى ابن مریم ويحاولوا بيبينوا ان المسيح عيسى ابن مریم افضل من سيدنا النبي محمد صلى الله عليه وسلم. يبقى اتبع المسيح ما تتبعesh محمد - 00:50:07

وبيخلطوا الكثير جداً من المفاهيم مش قضيتي ارد على الشبهات اللي بيقولوها لكن في النهاية تجد ان هم بيجيبوا من

القرآن عن المسيح عليه السلام امور مش موجودة عندهم عن المسيح. ويحاول يقول لك ده من الاسلام المسيح اعظم. يعني بيقعوا في - 00:50:27

في تناقضات عجيبة. القصة بقى هنا ان فعلاً تصور الاسلام عن المسيح عليه السلام مختلف كثير عن تصور الاناجيل عن المسيح عليه السلام بل ان تصور الاناجيل ما بينه وبين بعض عن المسيح مختلف. يعني هتلاقي ان شخصية يسوع - 00:50:47 الاناجيل ما بينهم وبين بعض اختلاف. مش هندخل في التفاصيل ده دلوقتي لكن اللي انا عايز اقوله ان فيه حاجات المسلم لما يجي يقرأها في الاناجيل لأن المسيح عليه السلام يستحسنها. ويقول لك ده موافق للي عندنا في القرآن الكريم والسنة النبوية الشريفة. وفيه حاجات ما لهاش مقابل عنده وممكن - 00:51:07

ممكن يعديها من باب لا تصدقوهم ولا تكذبواهم. لكن في حاجات المسلم يستبعدها وينكرها. عن المسيح عليه السلام في الاناجيل او على الاقل لو كان المسلم ممكن يجد لها تأويل المسيحي نفسه بيخرج منها او بيحاول يداريها او - 00:51:27 هي بالنسبة له مشكلة. لأنك في النهاية بتتعامل مع مسيحيي بيؤمن ان المسيح عليه السلام هو الله. ما الانبياء والرسل بالنسبة للمسيحيين يعني ممكن يقعوا في مشاكل كثيرة جداً والشتم ده يمكن اهونها اذا كانوا بيقتلوا مع سبق الاصرار والترصد او - 00:51:47

وبيفتصموا النساء او بيمارسوا زنا المحارم او ايا كان. فموضوع الشتم ده بسيط يعني. المهم في النهاية ان الشخص المسلم لازم ياخد باله من الكلام ده ويقدر يقارن لان ده بيكون مفيد جداً جداً في الحوار الاسلامي للمسيح. فيه نصوص عند النصارى بتوضح ان المفروض ما نشتمنش - 00:52:07

حد وان اللي بيشتمن ده بيأخذ سينات وبيدخل النار وهكذا على لسان المسيح الكلام ده. طب ما المسيح منسوب له انه كان بيقول الكلام شديد جداً جداً بالنسبة للناس كان بيشتمنهم يقول لهم ايها العميان الكلاب اولاد الافاعي وحتى النص ده في - 00:52:27 سياقه لما الرجل قال له يا معلم حين تقول هذا تشتمنا نحن ايضاً السياق الكلام ايه؟ ان المسيح كان بيكلم ناس بيقول لهم شديد وقاسي. فراح ناس تانيين قالوا طب ما انت كده بتخبط فينا احنا كمان. فرح المسيح لفهم وقال لهم هم كمان كلام شديد وقاسي - 00:52:47

اللي هو يعني انت جت عليك انت ما انا هاقول لك انت كمان. من ضمن الحاجات الجوهرية في الموضوع ان تجد ان المسيح عليه السلام مصبوغ بصبغة عنصرية وده بيبيان من خلال الروايات المتعلقة بقصة المرأة الكنعانية. هنا بيقول وكيف اطلق لفظ الكلاب - 00:53:07

فعلى الكنعانيين الذين كانوا كافرين. موضوع الكلاب ده حاجة وموضوع كافرين حاجة. هعلق على الاثنين. موضوع الكلاب ان المرأة الكنعانية جت له وقعدت تتكلم معه وبعدين في الآخر المسيح قال لها جملة شديدة كانه يعني لا انت انا ما ليش دعوة بكم انا لي دعوة ببني اسرائيل - 00:53:27

عبرانيين فالمرأة جات للمسيح بتطلب منه معجزة. فاليسوع قال لها عباره معناها انه لا يؤخذ خبز البنين ويطرح للكلاب يعني فيما معناه الحاجة دي لناس معينة. ما ينفعش اديها للكلاب اللي هو ايه؟ انت كلاب. ده المعنى. فراح المرأة قالت - 00:53:47 فيما معناه ايوه انا كلبة لكن الكلاب ايضاً تأكل من الفتات الساقط من موائد اسيادهم. شف والاهاة. يعني هو المسيح بيقول لها لا انت انت بالنسبة لنا كلاب. الحاجات دي خبز البنين لا يطرح للكلاب. قالت له ماشي احنا - 00:54:07 يا كلاب والكلاب بتأكل من الفتات الساقط من موائد اسيادهم يعني اي حاجة كده آآ تتقد منك. انا راضية فعلاً عمل لها المعجزة وكذا. القصة دي عند المسيحيين محرجة جداً. لأن المفروض النصارى بيروجوا ان المسيح عليه السلام هو مثال للمحبة - 00:54:27 او بيحب كل الناس وهكذا احب الله العالم حتى بذل ابنه الوحيد لكي لا يهلك كل من يؤمن به بل تكون له الحياة الابدية. طب ما انت بتعامل الناس كده ليه - 00:54:47

وفي برضو نصوص تانية بيشبههم بالخنازير وانه قال ان الجوهرة لا تلقى قدام الخنازير عشان الخنازير وسخين بيلعبوا في الطين

کده ودی جوهره کلام شدید جدا جدا وقاری. وخلی بالک ده ما لوش ای علاقه - 00:54:57

الاسلامية اللي بتقول ان فيه بني اسرائيل ربنا مسخهم قردة وخنازير بسبب ذنوبهم ومعاصيهم. لأن بيتكلم عن المفروض بنى ادميين عاديين عايشين معه في نفس المنطقة الجغرافية وهو بيقول لهم لأنتم بالنسبة لي كلاب وخنازير اللي هي النظرة -

00:55:17

العنصرية اليهودية مثل هذه النصوص مفید جداً ان المسلم يعرفها عشان لما المسيحي بيجي للنصوص القرآنية زي ما شوف بعد
شوية علشان يحاول يثبت منها حاجة لها علاقة بتعظيم المسيح واطراء المسيح ورفعه لدرجة الالهة او انه الله - 00:55:37
يعني آآانت جاي عندي علشان تمدح المسيح والمسيح عندك للاسف الشديد موصوف بانه كزا وكزا وكزا او بيعمل كزا وكزا او بيقول
كزا تاني نقطة بالنسبة للكافلین الاعلام بشكل عام بيحاول يوظف بعض المصطلحات بطرق معينة فيبيحالوا يخلوا - 00:55:57
موضوع الكافر ده في قالب معين متعلق بالارهاب والقتل والكلام ده كله. رغم ان مصطلح كافر هو اصطلاح المقابل للايمان او المؤمن
فـ. عنده الایمان: هـ الكفـ هـ المؤمن: هـ الكافـ هـ مشـ لمـ حـ محمدـ انهـ كـافـ بـقـ حـكمـهـ القـتناـ هـ الكلـامـ - 00:56:17

اللي مفروض مستقر اصلاً ومش محتاجين نذره لكن بسبب الضغط الاعلامي بنحتاج نعيد الحقائب كثيراً جداً علشان هم ما يستخدموش اسلوب ما تكرر تقرر فاحنا نسكت ونقول اصل احنا ردينما قبل كده كتير لـأ ما هو هيفضل - 00:56:37
ردد وانت تزهق وتسكت لغاية ما في الاخر يقول لك ما تكرر تكرر. الكافر مستحق للقتل فما دام انت كفرت ويبيقى انت مش ناقص
غير ان انت تطلقة عليه النار او انت تديحه او تقتله لـأ الكلام ده غلط - 00:56:57

فيه برضو بعض الناس بتحاول توضح ان مصطلح الكافر ده كأنه مصطلح اسلامي بحت. المسلمين بس هم اللي بيكرفوا. لكن كل الاديان الباقيه كلهم بيحبوا بعض وبيبوسوا بعض وما حدش بيكرف حد. وده برضه غلط. اي نعم اه في بعض الديانات اللي هي بتاعة وحدة الوجود والكلام ده بالنسبة لهم - 00:57:15

00:57:35

تجد بقى ان بسبب التسلیط الاعلامي ده تجد ان فيه ترجمات عربية للكتاب المقدس ما بقتش تستخدم كلمة كفار. بقى تستخدم كلمة غير المؤمنين وكأن في فرق ما بين غير المؤمنين والكفار اصل كلمة كفار بقت كلمة موسومة اعلاميا بانها كلمة سلبية - 00:57:55
يا كلمة لها طابع سيء. الموضوع ده في غاية الخطورة. الاعلام بيحاول يقول بعض المصطلحات الشرعية الاصلية بقوالب يخلي الناس تنفر منها. زي. الجهاد زي. الكفر. هتقفوا. جهاد بانهار اسمهدا هتتحب - 00:58:15

تـ حمات معينة - 00:58:35

وفي ترجمات تانية بيقول غير المؤمنين وهكذا. هنا الشيخ بيقول تعليق والعجب كل العجب ان العصمة ليست شرطا للأنبياء وهم ما كانوا معصومين عند الرئيس وتشترط للسلطان والقسيس. لعل منصب النبوة ادون من منصب القسيسية عنده. يعني دون -

00:58:55

منصب القسيسين. هنا هو بيكلم عن نقطة في غاية الاهمية. وذكرتها قبل كده لما جينا نتكلم عن موضوع السر الكهنوت والمناصب الケنوتية والكلام ده المسيحيين لما بييجو يختاروا انت هتبقى شمامس انت هتبقى قسيس انت هتبقى اسقف انت هتبقى بابا او بطريرك - 00:59:15

يستحيل عندهم قولوا واحدا ان هم يختاروا حد منحرف اخلاقيا لهذه المقامات الدينية. طب وربنا لما اختار الانبياء بحسب اعتقادكم
وهم واقعين في هذه الانحرافات الاخلاقية والسلوكية. فكأن بالفعل يجعلوا المناصب الكهنوتية الكنسية - 00:59:35

اعلى من النبوة والرسالة. وده منصوص عندهم في كتبهم. وانا علقت على الكلام ده. ان ما ينفعش الاسقف يكون كذا وكذا لا يجوز. طب والانبياء؟ يجوز. يبقى الاسقف احسن من النبي! طب انت ليه بتقول انه لا يجوز ان الاسقف يكون كذا وكذا؟ هي دي - 00:59:55

قضية. اذا كنت انت بتقول ان في مقامات معينة لازم يكون صاحبها منضبط اخلاقيا وسلوكيا علشان هيبقى قدوة او علشان وعلشان بيقى فيه اسباب تؤدي الى وجوب انه يتصرف بالاخلاق والاداب وانه يتمتنع عن - 01:00:15
انحرافات الاخلاقية والسلوكية ده ده هيتحقق مصالح النبوة اولى بده. لأن المفروض ان علاقة النبي ربنا وطبيعة النبي وعمل النبوة المفروض انه يكون اهم واعلى واسمي من المراتب الكهنوتجية والقصصية او على الاقل - 01:00:35
على قدم المساواة. فدي نقطة مهمة جدا. وتجد بالفعل كل ما بتدرس اكتر بيتحقق عندك قول الله عز وجل اتخذوا ورهبانهم اربابا من دون الله. ما بيرضوش الكلام ده للانبياء والرسل. وتصورهم عن الكهنة والاحبار والرهبان خصوصا البطريرك - 01:00:55
اللي هو البابا رئيس الكنيسة وما يعطونه من سلطان تشريعي وما يعطونه من سمع وطاعة مرتبطين بالدين والايمان. الموضوع كبير.
انا هكتفي بهذا القدر في هذا الفيديو وباذن الله عز وجل في الفيديو القادر نكمel التعليق والشرح على الكلام اللي ذكره الشيخ محمد رحمة الله الهندي - 01:01:15

في التمهيد بتاعه. لو حاز هذا الفيديو على اعجابك فلا تنسى ان تضغط على زر عجبني. ولا تنسى ان تقوم بمشاركة الفيديو مع اصدقائك المهتمين بهذا الموضوع ولو كنت قادرًا على دعم ورعاية محتوى القناة لو انت شايف ان هذا المحتوى يستحق الدعم والرعاية فقم بزيارة صفحتنا على بتروين او بيبالا وحتى قم بالانساب للقناة ستجد - 01:01:35
اللينكات كلها تحت في وصف الفيديو. الى ان نلتقي في فيديو اخر قريبا جدا باذن الله عز وجل. لا تنسوني من صالح دعائكم.
والسلام عليكم ورحمة الله وبركاته - 01:01:55